

五
葉
載
詠

249
164

249-164
1200800041219



五華載詠

竟山由定題籤



秋渚先生屬

五花載詠

錄定署檢



秋渚先生屬

五花載詠

繇定署檢



大正癸丑
碧雲
仙館
刊

五花載詠

古敢 磯野惟秋 秋渚

堂島以舊有五花堂得名堂主人曰小川宗五明曆中
自京來此結茆鉏園移植五種花卉澆頓味賞優游自
適顏堂曰五花夕顏巷叟有堂記可以徵矣島猶洲也
澗江支派環流焉流東北者曰蘇川樓臺臨水歌吹四
起所謂蘇北是也三橋架焉蜺橋在東櫻橋在西而其
中爲蘇橋蘇橋之南則堂島繡葦華屋鱗次櫛比閒有

妓家香塵日簇紅粉夕熏五花風流一旦消歇變爲繁
華樂土矣予以明治甲辰五月念日移寓島之中街安
頓琴書怡然處之已經十年所故悉其土風乃隨耳目
所觸詠之獲小詩若干撫舊題之曰五花載詠第述一
時之興豈敢云文獻之徵乎

五花堂址

關右雄繁日易觀五花堂廢跡都剏羅山記在分明見蓮菊
梅櫻復牡丹

其二

前開翠閣後珠樓歌管啁嘈日夕稠蹇我元無立錐地蒔將
花草繼風流

米市

俗稱堂島濱

傍水簾櫳箇箇同賈人豪俠另成風轉頭翻覆天還泣爭奪
千金糶糶中

糕坊

稱稻葉

水閣風簾一路斜扁螺橋外小繁華咲吾未熟公羊傳卜宅

唯鄰賣餅家

卍字巷

買花無地供移栽只賸松陰數點苔一例清晨先蝶起尋芳

卍字弄頭來

巷角有花戶曰花半

東鄰

詩家東畔橐駝家三尺疏籬翠竹遮莫月清揚光潑戶暗香

如水是何花

裏街

香塵撲地劇網縕路自大江橋北分一種枇杷門巷接蘇沂

搖曳美人雲

中街

油壁香車日往還煙花未遣此心閒桃妍柳翠隔一水住近

風流藪澤間

其二

煙華有種女兒多錄事巷南常戶歌新樣裙釵可憐煞十三

業已學橫波

其三

蘭湯浴罷太清生
燈是晴虹簾水精
剛向屋山天尺五
家家笑語歇涼棚

其四

珠娘向晚試新粧
墮馬雲鬟澹噴香
偶拉鄰家第三妹
豐川祠下賽狐王

其五

洗刷鉛華丰韻真
深藏金屋屋中春
知他昨落平康籍
丸髻

昂然耀比鄰

其六

磨膚聒耳是何讎
大火西流白鳥啾
災後添來新月令
碧紗幬裏賞中秋

其七

蘇橋南畔去來車
繡錯街分燕尾如
茶館元非校書宅
枇杷不植植棕櫚

藥師胡術

故故房櫳香粉圍幾團聲黨四鄰依藥師巷口繭絲雨織玉
斜支輕傘歸

晨賽

白玉祠頭綠樹連美人裙屐步金蓮背人擬嚼青梅子怯齷
微齷也可憐白玉祠在中洲

其二

輕衫薄薄任風飄一路荷花剪絳綃在五寺前與郎約避人
晨過六齋橋北郊六齋橋之北有在五寺寺安在原業平像

蘇川

畫閣連蔓對綺寮隔簾藏得幾嬌嬈溶溶一派胭脂水流自
櫻橋到蜺橋

櫻橋

一簇香雲媚曉晴樓臺掩映畫圖呈惟今由藥猶難覓留得
櫻橋不朽名

堂島川

江頭恰則水嬉天兩岸旌旗五彩鮮片片飛鳧輕似葉紅黃

青紫孰攬前

中洲

霏霧霏煙薄似綃江城春事過花朝楊低柳合按藍汁粧點
紅欄姊妹橋

己酉七月三十一日拂曉天滿失火火連翌日江北大
半爲烏有小寓亦委灰燼災後過此悵然有作

南阡北陌瓦成叢眼倒滄桑怨祝融萬戶人煙將草木莫捫
悔舌劫灰中

其二

不見林泉載酒過風光十二總消磨揭牌誰記詩人宅死竹
敗荷如爾何

寓園有十二小景

其三

火起崑岡玉有憂恨人僕亦懶回頭衣香履迹無因覓一夢
春風十四樓

其四

那邊蘇水兩三橋一炬章臺魂易銷壬婦丁夫作婚後喪家

犬瘦畫蕭蕭

其五

回首前塵事事非
弔從澱澁到蘇沂
夕陽不是繁華色
一樣長街白板扉

蘇北劫後襍詩

劫後重誇絲竹豪
燈輝紫電換蘭膏
蜺橋西去風光改
箇箇樓臺磊嵬高

其二

從是煙華十倍加
香街旁午美人車
蘇溝一道暗疏水
北畔酒家南妓家

其三

相思人在夕陽樓
夢事膏騰甚處求
屏當劫灰無藉在
祇埋蘇水不理愁

其四

尋不可求空有名
曾相別處若爲情
何須尾秃勞靈鵲
蘇水蘇橋一等平

其五

無人艷說舊繁華
曲院風流倍鬪奢
鱗次層樓略相似
不知若個是盧家

己酉一月二十五日諸同人訪予碧雲仙館銜杯賦詩
是爲鷗雨吟社第一疋集分韻得人字

兩年雲樹渺星津
青眼依然江上春
練練波光閃寒雨
一燈紅照倚欄人

庚戌五月十二日災後新寓告成乃復移琴書其十九

日邀諸友修漁洋山人二百年祭事揭遺像陳遺箸賦

小詩五章以代蘋藻

大雅扶輪曠代師
帶經堂上絳帷披
瓣香下拜憾生晚
二百年來無此詩

其二

別裁僞體氣初真
端的詩中鑿空人
挂角羚羊無迹相
誰言清秀李于鱗

其三

一拈神韻力能持絃旨無聲聽始奇彈指華嚴樓閣現曉風
殘月白蓮詩

其四

範水摸山筆一枝精華孤詣怯人知秦淮煙月明湖柳謫墮
神仙少女辭


其五

一代正宗香案班下看燕雀聒叢菅飴山掙擊倉山謗萬丈
光長天地間

辛亥八月十五夕桂社剪燭初集分韻得知字

風裳綵繚軸簾時冰雪聰明襟是詩向晚梧桐微有雨新秋
滋味一蟲知

五
花
載
詠
終



大正二年十一月十日印刷大正二
年十一月廿日發行著作兼發行者
大阪市北區堂島中一丁目四番地
磯野於菟介 印刷者大阪市西區
阿波座二番町一番地堀越幸

249
164

花
園
集
卷
之
一

249
164

花
湖
湖
湖

